



鹿氏族譜

室廬引

余家自武毅將軍鎮撫潁川占籍州治西北世世  
守其堂構惜遭寇變漸有遷徙四鄉及他邑者然  
祐之所處猶先人之舊也嗣後子姓衆多不足容  
膝闢其室廬則可或求輪奐則不可也

室廬

先贈公宅

在州治西北今祐所居者是

節推公宅

在州治西北今至所居者猶其旁屋也

太和縣宅

七世祖諱養田遷居之

龍王塘宅

八世祖諱兆春遷居之

東鄉劉伶口宅

九世祖諱兆祥遷居之

新宅

在州治北門大街之西

鹿氏族譜

誥敕引

粵稽周禮內史掌書王命蓋制誥之重也久矣况  
絲綸之寵榮賁前人尤臣子所寤寐難忘者敢弗奉  
爲家寶以示永遠乎至於上世失傳者闕之而以  
勝國僅存者附焉亦未忍以散失之餘竟委諸草  
莽也

勅贈先大夫承德郎暨母張太夫人安人一道

奉

天承運

皇帝制曰考績疏庸特重推恩之典服官資敬聿推

式穀之功爾鹿來師乃禮部主客清吏司主事

鹿祐之父世擅清門代傳素業家風淳厚垂弓

冶之良模庭訓方嚴啟詩書之令緒茲以覃恩

贈爾為承德郎禮部主客清吏司主事錫之勅

命於戲薄籛金而示誨世澤常延錫鞶帶以加

榮天休弗替金而示萌其器常以變華帶以賦  
制曰官學方成讀父書而繼業愛勞交脩稟母訓  
以揚名爾禮部主客清吏司主事鹿祐母張氏  
克樹芳型尤多慈教著承筐之雅範早知率禮  
無愆寓徙宅之深心果見克家有子茲以覃恩  
封爾爲安人於戲彤毫灑潤爰推顧復之恩彩  
翟流芳彌振賢明之譽

康熙三十六年七月十九日

勅授祐承德郎暨劉氏錢氏安人一道

奉

天承運

皇帝制曰職隸春官清秩居諸曹之最名高華省通  
才報庶績之成爾禮部主客清吏司主事鹿祐  
練習章程詳明典故雍容仙署堪爲禮闈之光  
聯步南宮並耀郎官之宿茲以覃恩授爾爲承  
德郎錫之勅命於戲贊雅化於中和被湛恩於  
優渥欽茲寵賚勵乃靖共

制曰勤宣聲績聿徵服采之才茂著規型式獎同心之媿爾禮部主客清吏司主事鹿祐妻劉氏夙諳內則作配各門訓典嫺明允協珩璜之度禮儀純脩克彰蘋藻之風茲以覃恩贈爾爲安人於戲荷天寵以流芳魚軒煥采被國恩而永譽馬鬣增高

制曰國恩寵錫式酬服采之勞閨範嗣脩載獎觀型之化爾禮部主客清吏司主事鹿祐繼妻錢氏早諳女誠克舉婦功惠問交流絜後先而媿美素風相勗庀內外以同心茲以覃恩封爾爲安人於戲扇蘭佩之芳蕤被芝泥之馨澤祇承慶典益劭榮名

康熙三十六年七月十九日

勅贈先大夫文林郎暨母張太夫人孺人一道

奉

天承運

皇帝制曰宣猷服采中朝抒報最之忱錫類推恩休命示酬庸之典爾鹿來師乃掌山東道事江南道監察御史鹿祐之父令德踐脩義方夙著詩書啟後用彰式穀之風弓冶傳家克作教忠之則茲以覃恩贈爾為文林郎掌山東道事江南道監察御史錫之勅命於戲篤生杞梓之材功



歸庭訓不煥絲綸之色澤及泉臺

制曰壺教疑祥懋嘉猷於朝宁國常布惠揚休命  
於庭幃爾掌山東道事江南道監察御史鹿祐  
母張氏勤慎宜家賢明訓後相夫以順含內美  
於珩璜鞠子有成樹良材於楨幹茲以覃恩贈  
爾為孺人於戲昭茲令善之聲榮施勿替食爾  
劬勞之報遺範長垂

康熙四十二年三月十八日

勅授祐文林郎暨劉氏錢氏孺人一道

奉

天承運

皇帝制曰績懋臺班正色立紀綱之地恩頒策府敷  
詞揚謇諤之聲爾掌山東道事江南道監察御  
史鹿祐砥節端方矢懷直亮披陳剴切能令蘭  
署風生建白公忠務使鵷行氣肅茲以覃恩授  
爾為文林郎錫之勅命於戲秩晉牙冠之列寵  
命其承榮分鳳誥之光嘉謨益勵

初任浙江衢州府西安縣知縣二任  
禮部主客清吏司主事三任禮部儀

制清吏司員外郎四任江南道試監

察御史五任巡視南城六任今職

制曰丕績奏於中朝端賴閑家之助寵章願乎慶  
典宜分齊體之榮爾掌山東道事江南道監察  
御史鹿祐妻劉氏早習女儀克脩婦職雞鳴交  
儆旣砥節於素絲蠶績執勞用邀恩於紫綉茲  
以覃恩贈爾爲孺人於戲巾袿彰和順之風鸞  
書誕賁廷陞煥褒嘉之命翟茀永貽

制曰臣心報國每資賢助於中閨婦爵從夫必普  
恩施於繼室爾掌山東道事江南道監察御史  
鹿祐繼妻錢氏柔順嗣徽離和叶吉旣告虔於  
棗栗洵內教之克脩堪比德於玕璜宜朝章之  
式賁茲以覃恩封爾爲孺人於戲無忘象服之  
榮勉副鸞書之錫祇承寵典益播休聲

康熙四十二年三月十八日

光緒四十二年三月十八日

榮政兩廣督憲之慶派承辦典益辦外運

左首是以前派往兩廣派辦人效勉於以舉職

兼與前派之派辦人效勉於以舉職

或與前派之派辦人效勉於以舉職

或與前派之派辦人效勉於以舉職

或與前派之派辦人效勉於以舉職

或與前派之派辦人效勉於以舉職

誥贈曾祖父光祿大夫暨曾祖母張太夫人一品夫

人一道

備奉

天承運

皇帝制曰臣職克勤錫命已逾常格家聲丕顯推恩

特展隆施爾鹿萬春乃現任巡撫河南等處地

方提督軍務兼理河道兵部左侍郎兼都察院

右副都御史加四級鹿祐之曾祖父端方作則

忠蓋貽謀奕葉揚芬鷺序晉崇高之秩綿枝薦

慶鸞書加章服之榮茲以爾曾孫克襄公事贈  
爾爲光祿大夫巡撫河南等處地方提督軍務  
兼理河道兵部左侍郎兼都察院右副都御史  
加四級錫之誥命於戲規矩猶存旣克昌夫後  
裔箕裘不墜是用錫夫殊階鉅典斯膺潛光永  
耀

制曰國無定爵旌吏職以崇加室有餘榮藉閨芳  
而衍慶爾現任巡撫河南等處地方提督軍務  
兼理河道兵部左侍郎兼都察院右副都御史  
加四級鹿祐曾祖母張氏恩勤裕後慈惠開先  
機杼流聲澤本累傳母教詩書啟秀息沾再世  
孫枝茲以爾曾孫克襄公事贈爾爲一品夫人  
於戲煥綸綍於方新含章日麗邀翟禴之游寵  
錫命天申賁乃幽貞欽茲茂典  
康熙五十一年八月十六日

宣統元年十一月八日十六日

...

...

...

...

...

誥贈祖父光祿大夫暨祖母劉太夫人一品夫人一

道繼祖母李太夫人一品夫人一道

奉

天承運

皇帝制曰九章賜秩先疏閔閱之勞三世承恩聿著

燕貽之澤特敷茂典用闡休聲爾鹿岱乃現任

巡撫河南等處地方提督軍務兼理河道兵部

左侍郎兼都察院右副都御史加四級鹿祐之

祖父淳心抱質善氣儲祥樹坊表於鄉邦人瑞

夙推舊德擁節旄於方域孫謀式播新猷茲以  
爾孫克襄公事贈爾爲光祿大夫巡撫河南等  
處地方提督軍務兼理河道兵部左侍郎兼都  
察院右副都御史加四級錫之誥命於戲錫璫  
繫之雲章高門溢慶沛濺汪之天澤奕葉流輝  
寵命丕承嘉脩永著

制曰采甄世德嘉貽穀於前人導詠閨風遡鍾祥  
於大母爰敷茂典特賁鴻章爾現任巡撫河南  
等處地方提督軍務兼理河道兵部左侍郎兼

都察院右副都御史加四級鹿祐祖母劉氏履  
順宜家凝休昌後蘭儀被體垂奕葉以揚芳椒  
實盈升擢遠條而振秀茲以爾孫克襄公事贈  
爾爲一品夫人於戲國恩稠疊用摛彤管之輝  
天澤優霑式佩篆章之寵令名無斁渥澤永膺  
制曰國資開府之重臣賞延於世家有嗣徽之大  
母祥降自天載錫寵榮並揚柔懿爾現任巡撫  
河南等處地方提督軍務兼理河道兵部左侍  
郎兼都察院右副都御史加四級鹿祐繼祖母

李氏以禮以法能儉能勤備著母儀紹芳規於前武肇興門祚留遺澤於後人茲以爾孫克襄公事贈爾爲一品夫人於戲貽來許之孫謀用允宗而保艾贊陰行之祖德信善積而慶餘澤衍再傳光昭奕禩

康熙五十一年八月十六日

誥贈先大夫光祿大夫暨母張太夫人一品夫人一  
道

奉

天承運

皇帝制曰雲霄官闕式崇開府之勲榮戟家風實始趨庭之訓爰施寵獎用賁徽章爾鹿來師乃現任巡撫河南等處地方提督軍務兼理河道兵部左侍郎兼都察院右副都御史加四級鹿祐之父世授青箱庭生玉樹貽之清白蔚爲盛世

珪璋教以義方屹作興朝屏翰茲以爾子克襄  
公事贈爾爲光祿大夫巡撫河南等處地方提  
督軍務兼理河道兵部左侍郎兼都察院右副  
都御史加四級錫之誥命於戲稱先則古詩書  
蘊文武之謨浴德澡身忠孝立子臣之鵠祇承  
渥典永荷殊榮

制曰家聲光大庭闈之式穀攸先門祚蕃昌閨闈  
之貽庥夙裕洵加天寵用闡母儀爾現任巡撫  
河南等處地方提督軍務兼理河道兵部左侍

郎兼都察院右副都御史加四級鹿祐母張氏  
嫻於典則著有規型愛必先勞每勗蒞官之敬  
忠於所事率由胎教之賢茲以爾子克襄公事  
贈爾爲一品夫人於戲錫茂獎於蘭陔芳蕤益  
播被惠風於葱珮馨澤彌新祇受榮章永標淑  
德

康熙五十一年八月十六日



誥授祐光祿大夫暨劉氏錢氏一品夫人一道

奉

天承運

皇帝制曰奉璽書於中禁位重旬宣領節鎮於外臺  
職司撫輯任專鎖鑰績奏澄清爾現任巡撫河  
南等處地方提督軍務兼理河道兵部左侍郎  
兼都察院右副都御史加四級鹿祐才本優長  
躬能表率六條秉憲人瞻列戟清霜百郡承流  
地徧隨車膏雨特頒慶典誕播徽章茲以克襄

公事特授爾階光祿大夫錫之誥命於戲釐紀  
振綱資莫安於偉畧誠民飭吏慰宵旰之深衷  
罔替成勞用終永譽

初任浙江衢州府西安縣知縣二任  
禮部主客司主事三任禮部儀制司  
員外郎四任江南道監察御史五任  
補江南道監察御史六任通政司左  
叅議七任順天府府丞八任大理寺  
少卿九任太僕寺卿十任太常寺卿

十一任兵部右侍郎十二任兵部左  
侍郎十三任今職

制日持綱秉憲良臣奏節鉞之勲履順思莊淑女  
著珩璜之範芳型無忝茂獎宜加爾現任巡撫  
河南等處地方提督軍務兼理河道兵部左侍  
郎兼都察院右副都御史加四級鹿祐妻劉氏  
名家作配內則是嫻勵婦節於縞綦每覺霜威  
輝映謹家閑於閨闈益彰鈴閣清嚴茲以爾夫  
克襄公事贈爾爲一品夫人於戲賁錫寵章播

休聲於閨闈誕敷嘉澤揚令問於巾袿式受榮  
施永昭壺德

制曰臣能報國亦利有家人之貞婦克相夫必贊  
成君子之德既壺儀之濟美自朝命之均霑爾  
現任巡撫河南等處地方提督軍務兼理河道  
兵部左侍郎兼都察院右副都御史加四級鹿  
祐繼妻錢氏早習規型夙嫻圖史敦修內政四  
德信其能兼蹈履前徽百祿宜其是荷茲以爾  
夫克襄公事封爾爲一品夫人於戲恩流閨闈  
式酬節鉞之勲寵錫絲綸茂著蘋蘩之化祇承  
嘉獎益播榮名

康熙五十一年八月十六日

敕祐巡撫河南一道

皇帝敕諭兵部左侍郎兼都察院右副都御史巡撫河南等處地方提督軍務兼理河道鹿祐茲命爾巡撫河南等處地方提督軍務兼理河道駐劄開封府專理該管地方舉劾文職賢否糧餉刑名一切民事爾宜宣布德意撫安人民約束衙門員役使之恪遵法紀毋致作弊生事擾害兵民操練兵馬修濬城池詢訪民瘼禁戢奸頑其一應錢穀及漕運事宜俱聽爾管理所屬地

方應徵應免錢糧皆照戶部題過新定經制遵  
行曉諭仍細加體察如有司各官朦朧重收借  
端科派叅奏處治嚴飭所屬察解逃人如地方  
寇賊生發卽會同總兵官計議統率將領戮力  
勦滅務盡根株凡地方利弊有可蘇息民困振  
飭維新者逐件條奏請旨施行地方備儲之計  
如常平社倉等事責令有司力行修舉境內逃  
丁荒糧責成道府轉行有司從實察核造冊開  
報應蠲豁者奏請蠲豁一面曉諭招徠勸課農

種嚴禁濫徵侵占使人民樂業毋容有司將現  
存人戶槩派包賠以致重累黎民所屬司道以  
下各官果有真心任事廉能著效者卽據實舉  
薦如粉飾欺僞貪酷殃民庸懦溺職者不時叅  
奏一應河道水利加意修築勿令淤壞各項工  
程有應關會者須與河道總督及直隸山東巡  
撫公同叅酌而行副將以下武職聽爾節制并  
該管防守地方勦禦賊寇提調兵馬舉劾武職  
賢否一切軍務俱會同總兵官行如有武官騷

擾地方攪害良民縱兵搶掠及隱匿賊情不報等事聽爾會同總兵官糾叅從重治罪勅中開載未盡事宜聽爾詳酌施行年終將行過事蹟及兵餉錢糧造冊送部察考爾受茲委任須持廉秉公殫心竭力以副委任如怠玩廢弛貪黷乖張貽悞地方責有所歸爾其慎之故諭

康熙四十八年十月初十日

始祖授潁川衛鎮撫世襲武毅將軍暨祖妣裴太夫人封宜人敕一道 軸失

二世祖授潁川衛鎮撫襲武毅將軍暨祖妣張太夫人封宜人敕一道 軸失

三世祖授潁川衛鎮撫襲武毅將軍暨祖妣王太夫人封宜人敕一道 軸失

四世祖 諱寧授潁川衛鎮撫襲武毅將軍暨祖妣張太夫人封宜人敕一道 軸失

四世祖 諱宏授潁川衛鎮撫襲武毅將軍暨祖妣楊

唐氏族譜 卷六  
太夫人封宜人敕一道 軸失

五世祖授潁川衛鎮撫襲武毅將軍暨祖妣鞏太夫

人封宜人敕一道 軸失

六世祖授潁川衛鎮撫襲武毅將軍暨祖妣朱太夫

人封宜人敕一道 軸失

七世祖授潁川衛鎮撫襲武毅將軍暨祖妣王太夫

人封宜人敕一道 軸失

七世祖文學公贈文林郎暨祖妣張太夫人韓太夫

人贈孺人敕一道

制曰朕聞仁厚之遺君子所以貽穀故嗇於逢年豐

於佑啟此天道之翕張而國恩所寵賚也爾廩生鹿

鳴秋乃山西大同府推官鹿獻陽之父博學洽聞坦

衷素履孝心天植事親動宗族之稱友愛性成字孤

衍叔父之緒賑貧恤困雖傾橐以何辭排難解紛總

殫精而忘瘁翺翔鬢序數偶厄於雲程訓迪義方子

獲展於天路名高平反恩及愛勞是用贈爾爲文林

郎山西大同府推官沛明命於楓宸表幽光於蒿里

崇禎元年十月 日

張太夫人 韓太夫人 敕贈語遺失

八世祖授潁川衛鎮撫龔武毅將軍暨祖妣翟太夫

人封宜人 敕一道

軸失

八世祖節推公授文林郎暨祖妣王太夫人封孺人

敕一道

制曰朕思刑官之設期於無刑矧雲中實逼穴且  
爲西北巨鎮非可盡以法律治也嘉矜而綏靖之予  
一人於良士師有屬望焉爾山西大同府推官鹿獻  
陽才華敏邵品格澄泓射策大廷司理雄郡稟矣質

成決五辭於冰鏡欽哉哀宥披三尺以春溫惠我嘉  
師爲予良士是用覃恩授爾階文林郎錫之敕命朕  
稽古折獄明刑之極乃至聽以氣色誠慎之也惟爾  
恪共乃職多所平反馨予德形爾之能已槩見矣其  
尚益勵新猷用需顯命欽哉崇禎元年十月 日  
王太夫人 敕封語遺失

獎山西大同府推官鹿獻陽 敕一道

軸失



鹿氏族譜

傳誌引

余家前代傳誌率多散失矣記曰先祖有善而弗知不明也知而弗傳不仁也故爲子孫者尚當論撰先祖之美而明著之後世矧一時文人學士之紀載敢不藏之家乘耶謹從州志中搜錄一二篇并附以先大夫合葬誌銘先太夫人行述彙編成冊庶使後世覽者知前人之功德實開佑啟之基而紹衣益弗替云

傳

勇畧傳

鹿鸚者潁州鎮撫鹿讓之孫舍人鹿剛之子也剛生五子鳳鸞鸚鵡鵬皆勇敢善射而鸚更軼群軀幹雄偉一目微斜歛兩肩左臂最捷與人撲輒以左勝每當怒氣激發則觔露髮豎骨節有聲年未弱冠運使雙刃重六十觔醉後喜殺人晝行人多避之嘗與本衛都閫有隙夜往其門取石狻猊沉之池次日數十人拽之不起鸚至用繩應手引出始悟乃鸚所爲也

唐氏族譜  
卒厚禮焉正德七年流寇劉六謀掠南畿自汴梁發  
兵破太和畧長官店中村岡紅林等集遂圍潁上指  
揮使鞏臣元麟梁文遇賊于蓮花舖勢甚猖獗梁文  
陣亾衆益懼兵備副使李天衢亟求死士爲守禦計  
而鸚昆弟五人皆應募相與血戰保潁城賊將李龍  
者號萬人敵劉六倚爲腹心者也鸚率兵迎戰至太  
和北紅山廟適與之遇鬪移晷無勝負鸚怒持大刀  
斫龍龍急避之刀入鞍傷及馬脊龍棄馬直趨鸚鸚  
亦躍下馬以手抱持相角久之鸚佯仆地龍于腰間

拔刀將刺之鸚忽隨勢奮擊突其右目乃騰起擒龍  
以歸龍旣就縛歎曰真吾勁敵也吾初易視之安能  
無敗乎後數日復生擒劇賊李魁寇一時失兩渠帥  
因痛哭解潁上圍去然自此挫其鋒銳未幾盡殲于  
通之狼山總制都御史彭公澤上平賊功朝議將授  
世襲錦衣百戶會鸚卒年二十有七無嗣其事遂寢  
後顯靈六安山中土人思其力戰捍患之功立廟祀  
之至今猶呼鹿將軍廟云

名賢傳

鹿獻陽字宇光號玄圃自少慷慨有大志博綜群籍授徒常數十人年四十餘舉于鄉天啟乙丑成進士授山右大同府節推大同古雲中郡用武之地也獻陽旣至威惠覃敷民皆用命時關市索賞無已一旦率精騎三萬直薄大同所過屯堡殘破獻陽方奉檄有新平之役至聚落城與敵遇孤城斗絕防禦久弛嘆曰男子以身許國固當死節疆場第恐鎮城不可無兩腋耳於是與吏民士商分地堅守閱數日援至敵引兵去鎮城之圍亦解由犄角之勢有以折其衝

也臺使論功以文臣曉暢軍務薦邊才第一天子賜白鏹十錠降敕嘉獎之獻陽益自奮勵矢報國恩無何以勞瘁卒於官享年五十有二生二子長瑞徵次牲徵瑞徵舉崇禎癸酉孝廉牲徵舉茂才皆能以文行世其家

### 貞烈傳

張氏潁川衛尉張世友女適儒士鹿萬春夫死撫孤誓節年七十時流賊攻破潁城至氏家索金帛不應以刃加其項氏引頸受之其子婦劉氏慟甚扃戶罵

賊引火自焚賊嘆曰真義婦也舍之  
劉氏鹿岱妻氏見姑將遇害願以身代賊不許氏哀  
呼投烈燄死賊義而釋其姑

誌銘

皇清勅贈承德郎禮部主客清吏司主事容庵鹿公  
暨元配太安人張氏合墓誌銘

同里孫 紹譔

吾友容庵鹿公既卒之二十有八年其子侍御  
君以奔母之喪還里將卜吉合葬而以墓銘屬  
余亦以余之幼而同里長而同學貧賤之知交  
莫余若也余聞言之夕其於我友之容貌辭氣  
恫乎有動於中低徊如晤而惜其未見今日之

榮也夫君子處世窮則尙友古人達則施於天下惟公懷才抱道功名不著於時白首橫經終老一牖嗟夫士無論遇不遇惟其特立獨行不愧衾影有所安於其境無所累於其心爾故吾於公窮居之大節有獨詳焉所以悲其志也公諱來師字教公別號容庵汝陰潁川人也始祖通出彰德之林縣以靖難軍功授潁川衛鎮撫世襲遂居潁九傳至公考雲霞公以處士之躬多善行有隱德行不苟合誠無暗欺殆積德累

仁君子也公生而聰穎於崇禎年補弟子員天懷簡靜喜讀書慎交游博覽群籍大涵肆於六經而時出其淵識以窺先正之奧故其爲文理足氣克華實並茂遠近學者宗之負笈者戶外屢滿事繼母能得其歡心父年垂八十飲食必嘗浣滌必親旣歿竭力營葬鬚髮盡白終身孺慕如一日持身嚴正人不敢以非禮干而接物怡顏如春風之被萬類溫潤而和煦其交友不設城府敬不怠規久而益篤訓諸子以義

方門內整肅有萬石君家風公事親孝交友誠  
立品端文章粹而鬱鬱不得志以老余之知公  
如是而已夫人張氏名家子性懿淑事舅姑以  
孝聞雖終歲食貧而甘旨必豐色養盡誠故高  
堂壽耆與夫子之養志齊光其治家訓子可知  
也康熙十二年四月公以疾終享年五十有五  
康熙三十六年以仲子貴邀

覃恩贈承德郎禮部主客清吏司主事夫人張氏  
封安人享年八十卒今於康熙四十年十二月初

九日合葬於潁南清河之原生六子長純早卒  
次祐侍御君也次昂庠生卒次厚庠生次廣庠  
生卒次襄早卒女二人俱適士族孫九曾孫三  
嗚呼嘉修莫似甓藏陶侃之廬白露未晞劔倚  
延平之水明德無疆勒銘沈碧銘曰  
有韞於中不見其施一憤一樂終身如斯克配  
比德和敬惠慈悠悠蒿里青青栢枝闕宮萬年  
惟其永垂

銘其永遠

此碑碑身刻有鹿氏族譜

碑身刻有鹿氏族譜

碑身刻有鹿氏族譜

碑身刻有鹿氏族譜

碑身刻有鹿氏族譜

碑身刻有鹿氏族譜

碑身刻有鹿氏族譜

行述

皇清敕封安人顯妣張太君行述

嗚呼吾母竟棄不孝等而長逝耶不孝等自癸

丑罹先府君之變閱今殆將三紀藐孤失怙猶

侍吾母太安人在堂菽水承歡長依膝下不孝

禱方期博微祿仰報劬勞詎意入冬以來吾母

舊恙增劇不孝聞信怵然請

告遄返甫至長新店而吾母之訃音忽至嗚呼痛

哉肝腸寸裂捨呼無從生不得奉湯藥歿不得



視含殮仰天椎心此恨曷極縱徒跣踉蹌而歸  
而吾母之音容色笑不可復覩矣嗚呼痛哉

不孝之罪上通於天尙忍言哉尙忍言哉獨是太

安人懿行壺儀實有可垂範將來庇蔭後葉者

何敢以

不孝

之苟延視息而不一陳其概也太

安人姓張氏汝陰舊族外王父大需公與先王

父爲布衣昆弟之交見先府君少而聰穎遂以

吾母許字年十八歸先府君時值流寇蹂躪之

後先曾王母張太君爲賊所劫先王母劉太君

請代不獲赴火而死太安人痛姑之不及待也

歲時祭祀必潔必誠言及寇亂事輒嗚咽流涕

不能止善事先王父敬執婦道并日親操滌滌

之奉罔不虔恭時先府君久困童子試從學於

先叔祖孝廉五輝公發憤下帷不問家人生產

太安人以十指佐甘旨從不以餅壘貽堂上憂

先繼王母李太君性嚴急太安人委曲承順務

得其懽心叔父方在襁褓太安人抱持乳哺無

不曲至蓋有爲人之所難處而太安人處之怡

然也先府君補博士弟子員讀書攻苦太安人  
午夜紡績篝燈相向嘗語不孝輩日向見爾父  
手一編誦數百遍不休何兒輩讀文字數十遍  
輒棄去是安能有益耶嗚呼不孝輩之苟且鹵  
莽不克負荷可見矣歲丙午先王父棄世丁未  
繼王母繼殂先府君連遭大故家無儋石太安  
人佐先府君勉襄大禮衣飾盡付質庫茹荼集  
蓼哀毀骨立不覺心血俱盡先府君治舉子業  
揣摩精研文名藉甚與里中高材宿學角藝校

文晨夕無間太安人拮据齏鹽黽勉有無俾先  
府君得專力於學問時猶隸籍中州每當大比  
年兩河人士無不屈指以爲必售乃數竒坎壈  
屢戰棘闈不遇丁酉之役幾得復失鬱鬱不得  
志憤懣成疾遂絕意功名日進不孝輩耳提面

命嚴於督課冀稍有成立以慰夙志憶壬子之

秋不孝祐

南闈見放太安人迎門泣語曰爾父

養疴東莊日夜望兒捷音兒今何以慰父心乎  
嗚呼痛哉不孝每念斯語未嘗不涕泗交頤也

癸丑夏先府君一疾不起長恨九原太安人痛

欲身殉

不孝

章環跪而泣宛轉哀籲廼念諸弟

未及成立飲淚銜恤克終喪事惟日訓

不孝

輩

讀書勵行無替先志服闋諸弟相繼遊庠序辛

酉壬戌

不孝祐

倖捷南宮已巳春授浙之西安

令迎養署中太安人見地方凋敝積逋難清輒

憂形於色嘗立

不孝

於側而訓之曰民貧則糧

欠當設法催科無徒以鞭朴爲嗚呼太安人慈

心利物明於治體類如此至署逾年卽欲歸曰

吾見兒戴星出入寢食不遑心甚愀然不樂且

諸孫在故鄉吾念之甚不必久留我但體吾言

設法催科不輕敲朴乃吾之心也

不孝

敬遵母

教多方勸輸俾民間竹炭米薪尺布斗穀皆可

完糧而西邑之正供遂以得清太安人一言造

福民受其賜有如此歸舟過洪澤湖幾瀕於險

以驚悸得怔忡之症抵家數月始平復蓋吾母

之元氣耗損於此兆其端矣癸酉夏症復大作

幾及不測昏昏若夢中語猶念及西邑積逋未

完恐累及

不孝祐

沉淪苦海嗚呼痛哉此雖母

子私恩而實慈念疲邑窮民者也太安人性喜  
施予凡姻親族黨以緩急告者卽無餘蓄必委  
曲以應念外王父及舅氏嗣續乏人每當春露  
秋霜親率子婦輩掃除墓道奠饋酒漿輒歛歔  
泣下孝思白首如一日治家嚴而有體子媳孫  
男或侍座側或過堂前不敢有怠容情色而又  
未嘗有斥訶之聲臧獲一惟御之以恩然門內  
肅然不嚴而整太安人天性節儉不喜華靡衣

服數爲浣綴生辰令節間製新衣上獻輒存之  
篋笥卽

寵命旣膺象服有曜一再御後亦謹藏之蓋痛先府

君之不及見也

不孝祐

通籍近二十年田園不

增蓬門如故諸弟姪聚族而居藜藿常至不克  
太安人未嘗以拙宦之故稍有怫悒惟日儒素  
家風吾安之已久但兒輩砥節勵行無貽先人  
辱斯可矣嗚呼太安人之訓

不孝

輩言彌切而

心彌苦矣甲戌夏

不孝祐

奉

旨行取入 都太安人喜見於容親送至閩外竊幸  
 精神強固期願有徵詎至冬間三弟五弟一月  
 之內相繼以疫終太安人心苦神傷淚盡血繼  
 而元氣大耗病根隨於此深矣乙亥丙子兩年  
 間幸太安人氣體康豫 不孝 輩承顏子舍旦暮  
 恃以無恐及丁丑春 不孝 祐 需次已屆依依不  
 忍遠去太安人勉之行謂吾方善飯兒當及時  
 致身母荏苒歲月也 不孝 勉遵母命束裝而北  
 孰知引裾叩別之時即為母子永訣之日嗚呼

痛哉嗚呼痛哉

不孝 祐 入補客曹甫三月擢副

儀郎未半載蒙

特恩拔置臺班旋復奉巡城之

命感激

隆遇冀効涓埃然時觀白雲飛馳慈親之念怦怦於  
 中每僮僕往來不及問他語急詢太安人安否  
 蓋夢魂間常切驚懼秋冬之交聞太安人舊恙  
 復作謂夙有寒嗽之症涼風始至間發即止及  
 仲冬二十八日忽接家信知飲食頓減湯藥少

進 不孝 五內崩裂方寸無主即於次日呈請終養部例半月彙

題至十二月十八日蒙

恩俞允得遂烏私二十四日策蹇南返行甫及一舍而吾母訃音忽至已於初二日巳時溘然長逝矣嗚呼有子如此鮮民之生不如死之久矣雖匍匐歸來憑棺號哭亦何解於吾母展轉牀褥呻吟望子之苦情哉嗚呼痛哉 不孝 尚何靦顏於人世哉太安人生於明萬曆四十八年庚申

八月初四日戌時卒於

皇清康熙三十八年巳卯十二月初二日巳時享年

八十於康熙三十六年七月十九日 不孝 禮

部主客清吏司主事任內恭遇

單恩

敕封安人生男六長 純 業儒卒娶湯氏庠生諱敬躋

公女次即 不孝 壬戌進士協理山西道事江

南道監察御史娶劉氏

勅贈安人處士諱拯公女乙未進士吏部考功司郎

中諱體仁公恩撫姪孫女繼娶錢氏

勅封安人庠生諱興國公女次昂庠生卒娶劉氏處

士諱紹澄公女次厚庠生娶馬氏庠生諱宗轅

公女次廣庠生卒娶劉氏處士諱元湛公女次

襄未娶卒女二長適儒士王錫庠生諱公模公

子卒次適廩生徐同庠生諱正誼公子孫男十

人純出者一士輅庠生娶張氏庠生諱漢女祐

出者二士諤庠生聘甯氏封文林郎翰林院編

脩諱掄公女孫儒士諱世珮女殤娶吳氏甲午

拔貢候選知縣諱鼎公女孫廩生諱家駒女士

訥業儒卒娶連氏內閣中書浙江台州府同知

諱璧女昂出者四士楷業儒娶吳氏拔貢候選

知縣諱鼎公女孫太學生諱雋民女士迥聘馬

氏庠生諱有德女士藹聘甯氏封文林郎翰林

院編脩諱掄公女孫太學生諱世標女士琦過

繼為廣子幼未聘厚出者三士都聘劉氏庠生

諱英芳女士彬聘劉氏太學生諱暄女士鏞幼

未聘女孫六祐出者一適庠生許汝捷太學生

諱寬子卒昂出者一厚出者一俱幼未字廣出

者三一許字張朝案庠生諱漢子一許字劉應

直戊寅拔貢諱志圻子一幼未字曾孫四士諤

出者二驄豫益孫士輅出者一綵恒士訥出者

一繡孚俱幼曾孫女四士諤出者二一許字劉

純貢生諱志增孫庠生諱應台子一幼未字士

輅出者一士訥出者一俱幼未字嗚呼不孝等

苦塊餘生語無倫次不能詳紀吾母懿行惟冀

大人先生哀而賜之以言不孝等世世子孫感

且不朽

不孝男祐泣血謹述



鹿氏族譜

藝文引

叔孫豹以立德立功立言爲三不朽夫一言之立耳乃竟與功德並傳則文亦曷可少哉余家自遷潁川代以武勇稱而文采未表於後世迨乎明季漸有述作罹流寇之變兵燹縱橫復多散失余雖不敏猶欲附存一二者將以鼓勵後人而深致其厚望焉

聖恩

不...

...

...

...

...

...

...

奏疏

條陳易結不結事分別輕重處分疏

為違限例有處分請

敕部臣確遵定例以昭成憲以清弊端事欽惟我

皇上德被兩間明周萬類創制立法盡善盡美固已

度越百王垂憲萬世矣臣一介庸愚蒙

聖恩由部曹拔置言路原無知識何能仰贊

高深惟近見吏部處分違限之員有與定例不盡相

符者恐因循日久易生弊端敢就管見所及敬

爲

皇上陳之查定例內州縣官將易結之事遲延不結  
卽係不能稱職嗣後嚴定處分之例除違限不  
及壹月及違限壹月貳月者照舊例處分外違  
限叁箇月者降叁級調用違限肆箇月者革職  
通行直省督撫將州縣官易結之事遲延註明  
題叅到日照此例處分在案伏思嚴定處分之  
例原因州縣官易結之事遲延不結而設非一  
切違限之事盡用此例也必令督撫將遲延註

明題叅者蓋因州縣之事其易結難結督撫知之  
之最真註明題叅而後處分不爽也若不令督  
撫註明不分易結難結一遇違限之事人人有  
革職之懼功名念重保無經營打點之事乎保  
無書辦撞歲棍徒誑騙之端乎每事如此費從  
何出必將派取百姓貽害地方而民重受其困  
矣伏祈

皇上敕部確遵定例嗣後督撫題叅違限者本內註  
明有易結之事遲延不結字樣然後照嚴例處

分若無易結不結字樣者仍照舊例處分則勸懲明而定例不致假借矣至於州縣而上有府有司均有承催之責均有處分之例臣請現今拾貳月以前者已經處分不議外嗣後司府州縣似宜酌其輕重分其差等不便同一違限肆職守愈明責成益力庶上下交相儆惕而人皆奉法惟謹矣如果臣言不謬伏祈

睿鑒施行

叅北直主考李蟠姜宸英科場作弊疏  
爲直陳試官溺職之咎仰祈

乾斷嚴究肅法紀以儆官邪事我

皇上振興文教加意人材每於衡文之任倍爲慎重  
今當直省大比之年念

京師首善爲天下人文所聚

特命詞臣李蟠姜宸英爲主考在二臣荷蒙

聖恩自應精白乃心矢公矢慎拔真才以仰副

任使至意不意榜發之日士子譁然公論沸騰諒難

逃

聖明洞鑒之下但以事屬曖昧未敢入

告迨

特簡尙書熊賜履等磨勘之後見其摘叅諸卷除行文筆悞肆卷外其疵蒙謬累者共拾陸卷此拾陸卷中有壹篇疵蒙者有兩篇謬累者有叁篇疵謬者夫場中取士首重書藝叁篇壹篇有疵卽爲不中式今兩篇叁篇俱係疵謬公然入彀不知主考是何情由是何肺腸敢於

光天化日之下爲此蒙面喪心之行此真不可解也再如第貳場表內

六龍等字應擡不擡第叁場策內督撫等字不應擡而擡本生以不諳禁例罰停會試叁科此等定規初學童稚皆知豈本生不諳同考亦不諳主考亦不諳乎若謂未經看及則主考同考場中所司何事是又不可解也查歷科順天磨勘從無叅至貳拾人之多者以中式之數計之是叅有拾分之壹矣二臣懷私溺職之咎卽磨勘顯

然可見雖有百喙其將奚辭窺二臣之意以為  
舉人罰科主考不過罰俸復何所畏忌乎臣竊

以罰科處分雖有成例而營私溺職自有重條  
若使二臣覲顏朝列與縉紳為伍則將來考官

更何所畏懼而賓興論秀之典不幾為縱恣行  
私之地乎臣職司言路不避嫌怨謹特疏糾叅

仰請

皇上乾斷立賜究斥庶官方得以澄肅而文治日以  
振興矣緣係指叅科場事理字多逾格貼黃難

盡未敢另繕伏祈

睿鑒施行

雜文

山西鄉試錄序

皇上御極之四十有七年文德誕敷政教翔洽薄海  
 內外莫不日就雲瞻風行草偃一時懷瑾握瑜  
 之士歌卷阿而頌梧鳳蒸蒸然咸思彙征皇路  
 驥首天衢蓋久道化成之極軌也猗歟盛哉屬  
 當論秀於鄉禮臣疏考官名上請

皇上慎重再三

命諸臣應與衡校之任者

親試文藝第其後先以次分遣而以臣祐偕臣球典  
山西試事聞

命驚懼罔知所措伏念臣一介陋儒濫叨一第五年  
外吏擢授儀曹甫數月蒙

恩拔置臺班日夕冰兢涓埃未報甲申冬奉

旨內陞三年之內由通叅游歷京卿

寵榮已極揣分難安今年二月復荷

特恩由奉常擢貳樞部超遷踰等惶懼靡寧自來

恩遇優隆未有如臣之驟感激思奮未有如臣之深

者也茲復膺衡文重任敢不益矢小心勉竭駑  
力以仰答

高厚於萬一於是卽日就道屆期抵境監臨則巡撫

山西太原等處地方提督鴈門等關軍務兼理

雲鎮都察院右副都御史加五級臣禮綱紀嚴

明風清令肅提調則山西等處承宣布政使司

布政使加二級臣進泰山西等處承宣布政使

司糧屯驛傳道副使管叅議事加七級臣存禮

綜理周詳巨細畢舉監試則山西等處提刑按



察使司按察使加一級臣岱山西等處承宣布

政使司分守河東道副使加三級臣朝麟防維

慎密中外釐然爰肅同考試官知州臣象觀知

縣臣黻臣時炯臣士琬臣繼均臣昌祚臣能忠

臣士儀臣元吉臣溯維臣之錡臣景洛偕入棘

闡相與炳蕭矢日而後泄事爰進提督學政翰

林院侍讀臣鄒士聰所錄士五千有奇鎖院三

試之得士五十三人五經中式三人共五十六

人貢成均者十人遵例擇其文尤雅者并新增

詔誥共二十二篇恭呈

御覽臣例得颺言簡端臣竊惟

朝廷興賢育才所以期之者甚厚而所以求之者甚

真非謂夫浮華麗藻之文遂足以畢選舉之盛

事也蓋將於此中得真人品異日有真經濟仰

副

聖天子樂育薰陶之盛心故虞廷首敷奏三代以言

揚自古立言與立德立功並重又曰言者心之

聲觀其言可以知其人誠非徒以其文焉已也

國家仁漸義摩禮陶樂淑涵濡至久教澤至深士  
之沐浴莪棫樸之化者日新月盛莫不爭自奮  
興思見一長於

堯舜之世而衡文者使不本至公之心秉至虛之鑒  
出之以至誠不欺之衷以冀默爲感通而謂因  
言卽可以得人也庸有當乎臣仰觀我

皇上慎重衡文遴選真才之至意臣等奉

簡書而來其所以取士之法與衡文之道寧有他  
哉惟奉一真以爲標準而已本真心以取士則

聲利浮囂之人無由而進本真心以論文則和  
平中正之旨一見而知且夫文章者載道之器  
立誠者修辭之源無本之學其詞浮不朽之言  
其體真臣以爲與其浮也無寧真也故心術端  
厚者其文必正大而無偏識解明通者其文必  
條暢而不滯行已謹慎者其文必雅飭而無難  
馴之習持躬廉潔者其文必沉靜而無偶肆之  
愆且先之經書以觀其義理繼之表策以驗其  
才猷閱者息心靜氣與作者之精神相遇針芥

微投油然神會見其文之正大無偏者而其人  
心術端厚可知也見其文之條暢不滯者而其  
人識解明通可知也見其文之雅飭而可知其  
人之謹慎見其文之沉靜而可知其人之廉潔  
因文以得其人因言以徵其心雖不敢云什不  
失一而以臣等之真心細尋作者之真性求仰  
副乎

皇上遴選真才之一念或者聲利浮囂之習既遠而  
和平中正之旨亦自有不得而偽爲者矣臣等

自拜

命以至撤棘惟奉此真誠之意日兢兢焉未敢一刻  
或怠也况三晉

神京右臂土厚俗醇名公鉅卿接踵相望若王通薛  
瑄之理學狄仁傑裴度之忠誠文彥博司馬光  
之助猷類皆以真人品爲真經濟故能後先輝  
映照耀簡編爾多士果能本心以發之文因言  
而見諸行將文非浮華言非飾說人品經濟皆  
本至誠不欺以爲之本由是出而應文明之

景運爲拜獻之先資則今日與多士勗者誠非徒以其文焉已也臣等自附於以人事君之義仰報

聖天子簡畀之恩於多士實有厚望焉

序

豫州稱天地之中陰陽之所和風雨之所會其山川靈氣之所鍾較異於他州以故五方之聲音清濁高下各隨其俗以出而必推中州爲正韻又况本乎神智發爲文章尤與風氣相關而不爽者哉余自承

命蒞茲土嘗於撫綏之暇觀風兩河其人文之美亦已畧見一斑矣今年秋八月當郡國論秀之期我

皇天德化翔洽聲教覃敷雖僻壤遐陬無不家詩書  
而戶禮樂蒸蒸乎風會日上於昔有加

特命鄉試常額之外永增十分之二一時士子踴躍  
忭舞爭相濯磨祈不負

聖天子作人之意而豫省之觀光來者踰踰濟濟幾  
及萬人何其盛也榜發後主司以所取之文示  
余余念中州萃扶輿清淑之氣密邇

畿輔被化尤深茲得士八十有五人其文或根柢  
六經以崇其體或旁通諸子以放其辭不必拘

於一格要皆窮極乎程朱之理神明乎先正大  
家之法度而又從容醞釀陶冶其性情以出之  
雖謂八十五人直如一人無不可也柳柳州有  
云作之難知之尤難方其冥心孤詣上騰九天  
下徹重淵審擇既定然後依聲按節以達其中  
之所欲言此作者之難也苟閱之者非能精思  
內攝滌蕩心胸以至神明之會呼吸可通其於  
作者之其苦無由以得之此知者之難也今以  
中州舉子之文悉付剞劂公諸海內使群知其

所難則心維手追悉歸於中正和平而不隨方  
隅爲偏勝且將主司之虛公澄澈一一想見於  
楮墨之中而其嘖嘖稱頌者寧止中州之人士  
而已乎

河南武舉鄉試錄序

皇上御極之五十年歲在辛卯各直省舉行賓興之

典文闈旣竣武闈屆期臣祐承乏豫撫謬膺遴

材重任伏念臣歷蒙

皇上殊恩分試兩浙典試山右又於順天武鄉試以  
御史監射已丑武會試以兵部侍郎監射匪特  
文事邀榮武試亦得濫廁今躬承

大典敢不益勵冰兢爰進提學道僉事臣珣所錄

士暨應試營兵集之射圃率同提調官布政使

臣家棟監試官按察使臣伯琮關防官管河道

僉事臣進楫恪共將事首較騎射繼較步射再

試技勇取其合式者收入棘闈試之論策局同

考官臣顧珽臣范基祚臣沈近思臣連肖先炳

蕭為誓矢公矢慎嚴加校閱擇其言之明白雅

馴者得士四十七人榜發例應錄其前列之文

以獻而臣乃拜手颺言述

聖天子作人之意以訓勉士子曰

國家設立制科武士與儒生並重乃弓馬而外止

以七書及策試其文才而於孔孟之書從未命

題考較即有誦習於斯者其學亦末由表見也

至於身列行間惟在積累功勳以與爵賞使其

留心學問操紙筆為文詞鮮不以為迂而無用

蓋論孟諸書幾於不復留意矣我

皇上以聖神文武之姿統御六合蒞政之暇博觀經

史旁及書射無不洞徹精微超絕今古因思孔

孟為百世之師論說精醇

特命武闈首題以此試士其兜鍪之士習於詩書者

亦得觀光不以常格限其進身兩者垂爲定制  
由是一時之懷才欲試者咸以爲亘古未有之  
曠典而尙未知我

皇上鼓舞作人之微意更有在也夫人材之難也山  
川鍾之父師勗之尤在爲上者制爲良法以陶  
淑而鼓舞之使有異才而不與之涵濡乎大道  
將詩書爲甲冑禮義爲干櫓者槩乎未之有聞  
非其性本不能亦以未嘗薰陶漸染於平日也  
且人情莫不重於其名以興賢育才之地而操  
弓挾矢者與之竝列而共進當必奮然興起有  
不甘於自棄者則夫

皇上之於武闡而更定其制也寧非善於陶淑而鼓  
舞之哉今之獲雋者誠夙夜淬礪養成大器斯  
不負

聖天子作人之盛心將見他日登壇推轂爲國柱石  
圖形於麟閣雲臺之上安在古今人不相及耶  
若詡詡然徒博一日之榮以誇耀於鄉黨閭里  
亦大非我



皇上設立制科變通取士之心矣是在士子勉之而

已

募建貞烈祠小引

潁川遭乙亥之變靖難烈媛載在郡乘列諸俎豆亦  
既與日月爭光矣顧祀無專所前任父母忠烈喻公  
於泰山行宮之東廡各設木主春秋致祭以表芳徽  
以振風教甚盛典也乃歲久屋圯貞節各主俱堆積  
于山門西廊狼藉剥落不可辨識不必仁人孝子見  
之而始心惻矣夫樂善好施卽陌路之人有不得其  
所者尙思設法安全之况屬一本之親乎若忠孝節  
烈之祠宇有不蔽風雨者卽樵夫牧豎過之尙爲流

連歎息况在衣冠之族乎吾輩爲子若孫者見其親之神主狼藉剥落不可辨識之狀而不立破慳囊踴躍脩葺吾知必無是情吾頽舊有六貞祠頽廢已久今基址猶存公議於舊基建瓦屋三楹山門一間廂房二間墻垣一週共計費若干兩敢約仁孝衆君子勉力捐資剋期興工此屋早成一日吾親之神明早得安棲一日安侑先靈而助宣風教其於忠孝之理兩得之矣不禁手額顙望而爲之引云

### 告墓文

維

康熙五十一年歲在癸巳孟秋之月庚申朔越

二十七日癸酉男

祐

特遣長孫

士諤

謹以牲牲

酒醴瓣香束帛致祭於

皇清誥贈

光祿大夫顯考行一府君一品夫人顯妣張太夫人

之墓敢昭告曰

兒幼承

父母恩訓旦暮望

兒

成名無何父

先見背未得申一日之祿養母雖迎養信安

又值水災洊至逋賦爲累吾母往往寢食不

居日友詩 卷八  
寧邇年以來兒待罪中州致身通顯而我父  
我母俱已卽世無從仰報劬勞幸今歲閏五  
月二十二日兒蒙

皇上隆恩

欽賜

聖製七言律詩一幅

宸翰匾額一面堂對一聯涼帽一頂蟒袍蟒套各一  
襲緞靴緞襪各一雙凡此

渥澤殊榮皆由我 父母積善所貽教子所致也是  
用賚至墓前肅陳几席潔具牲酒敬慰幽靈伏  
惟 降鑒居歆益弘啟佑俾子孫誕受多福永  
保祀事於罔替焉謹告

祭劉夫人文

維

康熙五十二年歲次癸巳季冬之月乙丑朔越

祭日

主祭夫鹿祐率男士諤孫

秀孚  
驄豫

謹以

牲牲酒果束帛瓣香致祭於

皇清誥贈一品夫人元配劉夫人之靈曰嗚呼夫人

歲十七歸余至三十早逝閱今三十九年一棺

浮厝淺土以吉壤之未卜也乃於癸巳之冬始

營佳城而吾不能已於言者惟夫人生而孤苦

長而食貧伉儷十有四載求一日之歡笑而無  
由則牛衣夫婿有不得辭其責者矣夫人產自  
舊族 考功岳叔祖念屬大宗之裔脩奩具遣  
適寒門後 考功告假旋里問孫女何所欲夫  
人荅以無所欲 考功心甚異之其不爲貧累  
有如此憶癸丑 先大夫之變夫人長號欲絕  
蓋念余之貧而痛翁之喪不成禮也迨甲寅冬  
余應河臺靳公觀風試霜夜寒燈首藝脫藁呼  
夫人告之日必當首錄迄今言猶在耳無何乙  
卯春月一病慙慙彌留之際惟以君姑兒女爲  
念時大兒十一齡大女七齡次兒甫四齡幼稚  
滿前遺衽在壁能免子荆零淚奉倩傷神也哉  
嗚呼夫人始爲貧家女繼爲貧家婦而處之恬  
如從無消沮之色則夫人之器識有過人者乃  
至於今一命再命叠荷

綸音

誥贈爲一品夫人夫人之始願絕不及此而一旦遭  
此者實

皇上隆恩有加無已而亦夫人之賢淑宜膺厚祉於  
無窮也茲擇嘉平下浣四日命大兒士諤等奉

夫人之柩安葬城南新塋余以闔撫豫疆不獲  
親視封窆追思夙昔雞鳴交警之况心實難安

然大兒新蒙

恩廕登仕有基大女次兒雖亾而

秀孚

孫

聰豫

孫賢

外孫

許景邵

俱鼓篋

國雍配有佳耦一堂承祀肅肅雍雍將來瓜瓞綿  
延正未可量意者夫人臨終眷戀之苦衷其或

庶可稍慰乎則自此以往隨吾先父母於九

原而夫人生前不及展肩者身後誠堪瞑目也

已哀哉尚

饗

烈

以

烈

皇氏族譜

皇氏族譜

程